

114
Diuersae conclusiones in quibus
contineatur uariae explicatio-
nes diuinae scripturae, et et
in summa Theologia. D. Tho.
et quorundam philosophica, ut
uidere est in sequenti 34-5-B-10
Catalago.

In p^{re} sex capita D. Joannis.

In Isaiam

In p^{re} capita epistolae ad Romanos.

Item in epistolam ad Romanos.

In epistolas ss. Iacobi et Iudee Apost.

In p^{re} par. 1. Thomae.

Item in p^{re} parte usq. ad q. 12.

De electa et Concilio uberius

In 2. 2. de iust. et alijs uirtutib. et 3. par. de sacris in p^{re}.

In 3. par. de Incarnatione.

Item de sacris in p^{re}.

Item de sacris Eucharistia uberius

Item de p^{re} et eius partibus

Ex uniuersa philosophia et Theol.

Ex p^{re} par. et 3. par. et logica.

Ex uniuersa philosophia.

Ex uniuersa Theologia et philosophia

Ex uniuersa Theologia et philosophia P. A. sp.

Dilectus & clarissimus vir
 doctor & magister ex
 nobilissimis viris
 in christo dilectus &
 et quondam discipulus
 vestre in christo
 carissimus
 Catalogo

In specie capituli D. Joannis

mix 1

...the ...

Yours truly, C. M. Smith

[Faint handwritten text at the bottom of the page]

मम विदुषः ॥

51.6

BRITISH NAZ
WITNESS

26.5.5

3. Nov. 1887

... ..

...the ...

1597

1700

...

1862. 12. 10. 1862. 12. 10. 1862. 12. 10.

မှတ်တမ်းနှင့် အချက်အလက်များ

ASSERTIONES

THEOLOGICÆ,

34-5-6-10

In prima sex capita Euangelij
secundum Ioannem.

ANTE INSTAURATIONEM

studiorum, in templo societatis IESV,
disputanda.

Coll. Roma.  Casal J. xrip.



ROMÆ, IN AEDIBVS SOCIETATIS
IESV Anno M. D. LXI.

ASSERTIONES

THEOLOGICAE

PHILIPPO MONTANO

PHILIPPO MONTANO

PHILIPPO MONTANO

PHILIPPO MONTANO

PHILIPPO MONTANO

PHILIPPO MONTANO



PHILIPPO MONTANO

EVANGELIVM SECVNDVM IOANNEM.

EVangelij Ioannis summa hæc est: Quis Christus sit, Cur in hunc mūdū venerit, Et quid ea, dum hīc vixit, causa egerit. Venit videlicet ad homines Dei filius, factusq; est homo, ut homines Dei filios faceret. Id verò doctrina, vitæq; exemplo, & suis meritis ita perfecit, ut nemo ei quisquam fide & charitate coniunctus, si in eo statu perseveret, perire, nemo, nisi ita coniunctus, vivere possit.

IN PRINCIPIO ERAT VERBVM.

Cum multa à multis in hunc locum dicantur, nos ex sacrorū Doctorum commentarijs hunc sensum colligimus: cum nihil antea præcessisset, erat in Patre verbum, atq; ipsum etiam erat cum Patre principium. Ex quo deinde colligi potest, filium nec Patre posteriorem, nec minorem, aut ab eo natura differentē, sed ei coæternum, æqualem, & consubstantialē esse.

ERAT.

Verbo hoc & generationis æternæ ratio, quæ eodem semper modo se habens, nullum nec principium, nec finem durationis habet, cōmodissimè significatur, & Arii error planè evertitur, cuius illa impia vox erat, Erat quando non erat. Si enim, ut ait Basilus, in principio erat, quando non erat?

VERBVM.

ET hæc voce Dei filius aptissimè significatus est. Nam cum processit ex mente diuina, idq; cura affectionem, ut Basilus ait, totumq; in se genitorem tantquam eius imago ostendit, tum nobis Patrem erat annunciaturus. Nec verò illud hoc loco pratereundum putamus, quod est à plerisq; omnibus obseruatū,

non simpliciter λόγος, sed adiecto articulo, τὸν λόγον fuisse dictum, quò videlicet intelligeremus de eximio quodam, & singulari verbo sermonem institutum, quod esset, ut ait Chrysostomus, à reliquis omnibus quàm longissime separatum.

ET VERBUM ERAT APUD DEVM.

VT proximis verbis, quibus ostensum est, Quando erat, Arriū, ut diximus, error conuulsus est: ita ijs, quibus declaratur, Vbi erat, Sabellij, qui filium à Patre non distinguebat, error conuincitur. Porro cum dicitur, Apud Deum erat, non modo à Patre filius distinctus esse, sed in se etiā, ut ait Cyrillus, subsistens ostenditur, & ut alij annotarunt, non modò Patris auctoritas, sed etiā coniunctio & societas cum filio declaratur, sitq; illis hæreticorum obiectionibus satis, ubi erat, aut vnde erat, quod ante omnia erat? aut si in Patre & à Patre erat, quo erat?

ET DEVS ERAT VERBUM.

Hætenus, Quando erat, & Vbi erat, expositum est. His ergò verbis explicatur, Quid erat. Meritò verò, ut ait Origenes, hoc potius, quàm alio loco, quòd filius à Patre, apud quem proximè dictum est, quod erat, habeat quòd Deus est. Ceterum quod ait, Deus erat verbum, ita esse accipiendum, ut Deus sit prædicatum, & verbum subiectum, cum est còmunis Doctòrū sententia, cum ipsa græca verba declarare videntur, nec. n. legimus ο θεός, ὁ λόγος, sed θεός ὁ λόγος, quibus planè indicatur, ipsum verbum, de quo hætenus verba fiunt, esse, non quidem illam personam, quæ Dei nomine, proximè significata est, sed eundem tamen cum Patre Deum: quinquā si quis putet, Deum esse subiectum, & Verbum prædicatum, sensumq; esse, Deum eundem & Patrem esse, apud quem verbum erat, & esse ipsum verbum, defendi fortasse potest eiusmodi sententia.

HOC ERAT IN PRINCIPIO APUD DEVM.

Ille nobis hoc loco còmentarius placet, quo hæc tanquā Epilogus superiorum accipiuntur: ut sensus sit, quemadmodum

117
ait Cyrillus, de verbo illo sermonem institui, quod erat in principio, quodq; erat apud Patrem, & quod Deus erat; vel, ut alij indicant, verbum in principio apud Deum ita fuisse, ut Deus nō ex tempore factus sit, sed semper fuerit.

OMNIA PER IPSVM FACTA SVNT.

Velix hoc loco intelligi potest, filium non esse creaturam, qui enim fieri potuit is, ut ait Augustinus, per quem omnia facta sunt? Ceterum quod per verbum omnia dicuntur facta, non ideo putandum est, verbum esse instrumentum, aut Patre minorem, cum sit una eademq; & triusq; natura, & virtus: tantum enim illa particula, Per, significatum est; vel, ut ait Chrysost. verbum non esse ingenuitum, vel, ut Cyrillus ait, Dei esse virtutem & sapientiam.

Illud porro observandum est: haec lenius de verbi natura sermonem habitum, ad eius virtutem explicandam converteri, simulq; ostendi, filium Patri aequalem, coaeternum, & consubstantialem. Nam si aequalis non esset, aut coaeternus, & consubstantialis, non per ipsum omnia facta fuissent.

Nec verò putari debet Spiritus sanctus factus esse, quod per filium omnia dicuntur facta, nec enim id ita dictum est, quasi nihil sit quod per filium factum non sit; alioqui & Filius, & Pater facti esse existimandi erunt, quo nihil potest quicquam absurdius cogitari. Verum in hunc illa verba sensum sunt accipienda, ut nihil eorum, quae facta sunt, nisi per verbum factum putetur.

Deniq; quod per filium Pater omnia fecit, ita debet intelligi; ut fuerit quidem filius causa rerum efficiendarum à Patre, non autem Patri causa & faciens: Fecit etenim Deus more artificis, qui rei, quam sit effecturus, formam prius concipit, Pater vero conceptus verbum est.

TAm non sunt audiendi qui per, nihil, hoc loco vel Diabolum, vel aliam quampiam naturam intelligendam putarunt; quàm verum est, nihil esse, quod ab Euangelista nihil dicitur: nec tamen illorum sententia improbanda est, qui in hunc locum affirmant, nihil esse peccatum, quod sine Deo factum sit.

NE cui verò in mentem veniat, superuacaneum fuisse id addere, cum proximè dictum sit, omnia per verbum facta esse; illud est aduertendum, quod Hilarius annotauit, adiectum hoc; ne putaretur verbum solum, & non Pater res effecisse; itemq; quod ait Origenes, vt intelligeretur, in rebus à se factis verbum inesse, vt sine quo conseruante nihil quicquàm possit id, quod accepit, esse retinere.

NAm quòd quidam existimant, ita hunc locum esse legendum; & sine ipso factum est nihil quod factum est; etsi scimus probatum esse à Diuo Chrysostomo, atq; ad id valere, vt intelligamus, quòd omnia Ioannes dixit per verbum facta, de his tantum esse accipiendum, quæ facta sint, aliq; ita legant, sine ipso factum est nihil quod factum est in ipso; illud tamen nobis magis probatur, quòd est à Clemente Alexandrino, & Augustino, alijsq; multis Doctoribus approbatum, nimirum tres illas voces, Quod factum est, cū sequētib; cōiugēdas.

QUOD FACTVM EST IN IPSO VITÆ ERAT.

ET si ille in hunc locum receptus est Cōmentarius, quæ facta sunt, fuisse, antequàm fierent, vitam in verbo; tamen illud non minus est probabile, significari hoc loco, in his, quæ facta sunt, verbum vitam esse, id est omnia quæ facta sunt, in verbo seu verbi virtute viuere, & esse quòd sunt, quemadmodum à Paulo dictum est, In ipso viuimus, mouemur, & sumus. Nec ille est sensus improbandus, Quòd est in verba & per verbum factum salutis nostræ causa, id nobis esse vitam: Mortem enim

nostram moriendo destruxit, & vitam resurgendo reparauit. 118
& vt D. Paulus ait, factus est nobis à Deo sapientia, & iustitia, & sanctificatio, & redemptio.

ET VITA ERAT LVX HOMINVM.

EX hoc loco confirmari potest quod proximè à nobis dictum est. Porro cùm dicitur, vitam esse hominum lucem, tùm planè indicatur, sic demùm homines dignà Deo vitam viuere, si in luce sint, atq; vti D. Paulus ait, vt filij lucis ambulent.

ET LVX IN TENEBRIS LVCET.

Tenebras dici posse quæcunq; indigent illuminatione, sentit Cyrillus; quare hoc loco omnium rerum lucem esse, seu rebus omnibus lucem, quam habent, verbum dedisse, significatum est: quanquàm illud etiam quadret, quod ait Chrysostomus, vt tenebrarũ nomine mors, et errores, atq; etiam peccata intelligatur, quibus nos Christus omnibus sua et vita, et morte liberauit.

ERAT HOMO MISSVS A DEO.

EX hoc loco potest intelligi, illud Malachia, Ecce ego mitto Angelum &c. non propter substantiam, sed ob ministerium fuisse dictum; erat enim Ioannes substantia quidem homo, quod hìc affirmatur; at officio, quod illic dicitur, angelus.

VT OMNES CREDERENT.

Deus neminem quidem vult perire, vt ait D. Petrus, sed omnes, vt inquit D. Paulus, saluos fieri, & ad agnitionem veritatis venire. Quod itaq; multi non credunt, pauci; saluantur non ad inscrutabilia solum Dei iudicia, sed ad cuiusque etiam culpam referendum est. Cum ijs autem, qui omni videntur remedio destituti, iussè agitur; quando, vt nihil aliud sit ab his peccatũ, omnes ex Adam nati (virginem semper excipimus) reatu

originalis peccati obstricti tenentur.

CREDERENT.

Appositè credendi verbum testimonij verbo adiectum est; Nam & si ea, quæ credimus, aliqua ex parte videamus (videmus enim saltem eiusmodi ea esse, ut credi debeant) non tamen illa in se quisquam, dum per fidem ambulat, sed in dicentis tantum autoritate cognoscit.

LUX VERA.

Vera hæc lux dicitur, non modò quia falsa non est, ut fuit illa, quæ apud Philosophos lux putabatur, nec figurarum umbris, ut ea, quæ fuit in veteri testamento, sacramentorum, variorumq; rituum velaminibus contexta, sed etiam quia non participatiue, sed per essentia lux est, quo etià modo illud à Ioãne primæ epistolæ ultimo cap. dictum est, *Veri sumus in vero filio eius.*

QUAE ILLUMINAT OMNEM HOMINEM.

Non id ita accipiendum est, quasi nemo sit, quem Deus nò illuminet, nisi quis ad eam hæc illuminationem referri velit, qua Deus rationis lumen unicuiq; indidit: sed hoc ideo dictum est, quia Deus, ut ait Chrysostomus, omnes quod in se est, illuminat, vel quia nemo nisi à Deo, ut Augustinus ait, illuminatur. Sic enim etiam dictum est, *Erigit Dominus omnes elisos*, quòd videlicet nisi à Deo nemo erigi quisquam possit.

IN MUNDO ERAT.

Est Deus quidem in mundo; sed ita, ut in eo potius mundus esse dicendus sit; quando ab eo & conservatur, & regitur: cum verò dicitur in rebus esse, intimus cuiq; esse intelligendus est; quia est ipsum esse, quod omnibus, quæ sunt, esse comunicat; ut verissimum sit illud, quod est Doctorum omnium ore celebratum,

celebratum, esse Deum in rebus non modò per præsentiam, & potentiam, verùm etiam per essentiam.

119

MUNDVS EVM NON COGNOVIT.

Quamquam Deus perfectè nisi per fidem cognosci à nobis in hac vita non potest; posse tamen multa de Deo rationis naturalis lumine ceriò cognosci, apertè Paulus Romanis scribens testatur, cum ait, Inuisibilia Dei per ea, quæ facta sunt, intellecta conspiciuntur.

IN PROPRIA VENIT.

Et si Dei sunt omnia quæcunque sunt, propria tamen hoc loco dicuntur, quæ ex hominum omnium genere peculiari quadam ratione gubernanda elegit. Vnde illud, Nos autem populus eius. Et illud, Dominus elegit te hodie, ut sis ei populus peculiaris.

ET SVI EVM NON RECEPERVNT.

Potest vel ex hoc loco intelligi, quanta sit liberi arbitrii potestas, quando nec Deus quenquam se accipere cogit, nec ullam voluntati nostræ vim, aut necessitatem infert, sed ita nos movet ad bonum, ut liberum tamen cuiq; sit, si velit, sequi; si nolit, nò sequi. Ita Deum isti, cū possent, et deberet, recipere noluerunt.

DEDIT EIS POTESTATEM FILIOS Dei fieri.

Hæc aduentus Christi in mundum causa fuit, ut filiorum adoptionem, quemadmodum Paulus ait, reciperemus. Id verò facit Deus in nobis per gratiam seu charitatem, quam diffundens in cordibus nostris, nos ex iniustis & impijs, iustos piosq; efficit. Potestatem verò ad id nobis tū videtur dare, cū ad ea excitat, & movet, quibus ad iustificationis gratiam præparemur.

B

HOc est recipere ad se venientem lucem, nempe in Christum credere. Quod qui faciunt, non quidem, ut dicunt hæretici, eo ipso iusti sunt, aut, ut illi loquuntur, iusti habentur, quod credunt; sed potestatem, ut ait Ioannes, accipiunt per fidem, ut fiant deinde filij Dei: possunt enim, si velint, non prius tamen futuri, quam charitatem habeant, sine qua Paulus nihil esse affirmat eos, qui omnem etiam fidem habeant.

ET VERBUM CARO FACTUM EST.

Non est insolens in scriptura, nunc animæ, nunc verò carnis nomine hominem totum significari. Certè hoc loco totam à verbo humanam naturam fuisse assumptam Ioannes significat.

Quamquam autem ea sit mysterij huius sublimitas, ut non modo non comprehendi, sed ne intelligi quidem à nobis tataris possit; quæ tamen à sacris scriptoribus didicimus, hæc libenter defendimus: Primum nullam fuisse in verbo mutationem factam, cum carnem assumpsit: cuius rei nonnulla est in verbo nostro similitudo, quod cum vox ea quodammodo fiat, in qua hominum, ut ait August. sensibus manifestatur, non tamen in vocem mutatur, nec in litteras, quas cum induerit, ut est in Concil. Ephesino, visibile fit & tractabile. Fuit itaq; Dei Verbum inuisibile, visibile factum, atq; tractabile, sed mutatum non fuit, in sola enim humana natura facta est, quæcumq; in Verbi incarnatione mutatio accidit.

Deinde factum esse filium Dei hominis filium, ut, quod supra diximus, hominum filios Dei filios faceret, natumq; ex homine Deum, ut ex Deo homines nascerentur. Quod cum fit, ita meritum ad eam rem in homine esse non potest, ut non fuit in homine Christo, ut Deus & Jec.

120
Paterea neq; fuisse duas in vnā naturas conuersas, aut
in duabus naturis duas fuisse personas, aut carni animam,
aut animæ intelligendi potentiam, aut vtriq; carnis, & animæ
veritatem defuisse; sed quā erat reparaturus naturam humanā,
eandem totamq; assumpsisse, tantāq; sibi coniunctione copulas-
se, ut idem sit in Christo Deus qui homo, Itemq; homo idem
qui Deus; tanto porro vinculo adeq; indissolubili, ut nunquā
neq; caro neq; anima Christi à verbo fuerit separata.

DEniq; etsi potuerunt & Pater, & Spiritus sanctus carnē
assumere; non tamen id tantopere conuenisse, neq; si Dei,
nec si hominum ratio haberetur. Etenim per Patris imaginem,
Dei erat in nobis imago reformanda, parq; erat, ut per quam
hominem cunctaq; condiderat sapientiam, in eum omnia, à quo
deciderant, statim restitueret; redirentq; ad Deum vniuersa
per eum, per quem fuissent in suam quæq; naturam tanquam
egressa à Deo, atq; in hanc lucem prolata.

HABITAVIT IN NOBIS.

Magnum hic Cyrillus vult fuisse mysterium reuelatum;
esse videlicet omnes in Christo, cōmunemq; in illo huma-
næ naturæ personam reuixisse: Vtq; Adam primus tanquam
qui in omnibus esset, aut in illo potius omnes, cunctos suo pecca-
to peremit, ita Christū, qui per nostræ assumptionem naturæ in
omnibus habitauit, gloria omnes, & immortalitate locupletasse.

ET VIDIMVS GLORIAM EIVS.

Vel hoc ad eam visionem referendum est, qua in monte Ioā-
nes cum Petro & Iacobo Christi gloriam vidit, vidit etiā
cum ceteris post resurrectionem suam cum discipulis conuer-
santem, & in cælos tandem magna cum gloria ascendentem:
vel illud hoc loco significatur, vidisse Apostolos, Christi q; di-
scipulos, ea Christi opera, quæ illum Deum esse apertissimè
confirmarent.

Tantum abest, ut negetur hoc loco Christus esse vnigenitus, ut quàm maximè atq; apertissimè confirmetur. Ita enim hoc dictum est, uti si quis de Deo & hominibus dicat, nihil esse mirum si ea faciat Deus, quæ nos capere non possimus; facit enim ille quasi Deus, nos quasi homines intelligimus. Vbi tantum abest ut negemus illum Deum esse, nos autem homines, ut id velut rei propositæ, causam asseramus, nempe quòd ille Deus sit; ideò ea facere, quæ nostrum intellectum, qui quoniã est hominum, admodum est imbecillus, longè superant.

Ceterum quòd Christus nunc vnigenitus in scriptura dicitur, nunc verò primogenitus, illa causa est; quòd etsi solus natura sit filius Dei, adoptione tamen sunt multi Dei filij. Sic enim quanquàm vnus est Deus, participatione tamen, aut similitudine Deos multos legimus in scriptura.

DE PATRE.

Vel à Patre gloriam datam significat, vel patri esse vnigenitum, certè utrūq; verum est, sed alterū tamē alterius ratio. Inde enim gloriā tantā habuit, quòd Patris esset vnigenitus.

PLENUM GRATIÆ.

Quod apud Lucam dicitur, Christus profecisse sapientia & gratia; non ita accipiendum est, quasi ea, quam accepit in conceptione humana eius natura, vel sapientia, vel gratia progressu temporis aucta sit; sed quòd magis eum homines in dies admirarentur, illorū potius, ut ait Cyrillus, opinio, quàm Christi gratia, crescebat.

Christum porrò gratia plenum itā debemus intelligere, ut, quia Deus erat homo ille, maior nulla gratia esse potuerit; quod verò ad eam, quæ à Theologis habitualis dicitur, gratiam

pertinet, habuit tantam, quanta potuit in eo esse maxima. Nec est illorum sententia improbabilis, qui hanc Christi gratiam infinitam affirmant.

121

ET VERITATIS.

ET Christus veritas ipsa est, & infinitam habuit rerum cognitionem, etsi verò Deum neq; comprehendit, nec potest, ut homo est, comprehendere; vidit tamen semper Deum, atq; ita vidit, ut in illo omnium quaecumq; aut fuerunt, unquam, aut sunt, aut futura sunt, perfectam atq; apertam habuerit rerum cognitionem: quanquam etiam ea causa hoc loco veritatis plenus dici potuerit, quod veteris testamenti figuras & promissiones, allata veritate, atq; exhibitis rebus, impleverit.

Quod dicunt quidam, plenum posse cum Ioanne coniungi, nequaquam ferendum est; nam præterquam quod cum translatio nostra sensum nullo modo fert, plus æquo Ioanni tribuitur, si plenas gratia & veritate dicatur. Proprium. n. id est veri, nec nisi Christo ea, de qua hoc loco sermo fit, plenitudo gratiæ & veritatis data est: id quod illa plane verba confirmant, quæ postea sequuntur, Et de plenitudine eius nos omnes accepimus. itaq; vox plenum, ita est cum superioribus coniungenda, habitavit in nobis plenum gratiæ & veritatis.

QUI POST ME VENTURUS EST, ANTE ME FACTUS EST, quia prior me erat.

Non ille est huic loco, ut ait Cyrillus, conveniens sensus, posteriorem fuisse Christum Ioanne, quod ad conceptionem & incarnationem pertinet; nec enim Ioannes hac Nativitatis suæ, aut Conceptionis tempore affirmat; sed illud potius significatur, qui esset hominum opinione inferior Iohanne futurus, multò illo esse progressu temporis excellentiorem habendum, idq; optimo iure; quando superior multo sit non solum ut Deus, verum etiam ut homo est. Verè enim &

Ioanne eadem dictum illud est, Non sum dignus, ut soluam
eius corrigiam calceamenti.

ET DE PLENITVDINE EIVS &c.

Hæc siue Euangelista, ut Cyrillus & Chrysostomus
putant, siue, ut existimant Origenes & August. Ba-
ptista verba sint, hunc sensum habent, à Christo tanquam à
fonte ad Sanctos omnes gratiam esse deriuatam, nec nisi per
eum haberi, ut Paulus ait, accessum in gratiam. Quòd si hoc
loco plenitudinem, diuinitatem intelligimus, non homines mo-
dò, sed etiam Angeli à Christo gratiam acceperunt.

GRATIAM PRO GRATIA.

Vel pro lege Euangelium acceptum dicit, ut Cyrillus in-
dicat, & Chrysostomus, vel, ut ait Augustinus, gratia
fides est, ut quæ nullis meritis detur; ea vero quia viuentes
gratiam æternæ vitæ merentur, propterea hoc loco gratia da-
ri pro gratia dicitur. Tametsi enim præmium est & merces
honorum operum, tamen quia & ipsa merita Dei gratia fa-
cit, meruò dicitur & hoc loco, & ad Rom. 6. Gratia Dei vi-
tæ æterna; cum. n. Deus meritis nostris mercedem caelestem re-
tribuit, tum, ut ait Augustinus, coronat dona sua. Quòd si
quis pro gratia Christi datam nobis gratiam velit, quia me-
ruit ille nobis primam gratiam, vera est sententia.

LEX PER MOYSEN DATA EST. &c.

Data est per Moysen lex, qua, ut Paulus ait, delictum
abundaret, per Christum verò gratia, quæ mundi, ut ait
Ioannes, peccata tolleret. Nam lex iubebat quidem, quidq; ab
homine fieri Deus vellet, ostendebat; sed ut fieret non iua-
bat, nec homines, cum reos ostenderet, peccato soluebat. Id
itaque effecit Christus, ut qui sub lege rei erant, sub gratia ius-
ti, quiq; peccato seruientes liberi fuerant iustitiæ, peccato li-

GRATIA ET VERITAS PER IESVM Christum facta est.

ET gratiam fecit Christus, quia Deus est; & veritate, quia suo aduentu figuras impleuit: quanquam etiam ut homo est, gratiam fecisse idcirco dici potest, quia eius merito impius iustificatur, & humanitate tanquam Dei instrumento eiusmodi opera peraguntur.

DEVM NEMO VIDIT VNQVAM.

DEum neminem vidisse, hoc loco ait Ioannes; neminem autem videre posse, Paulus Timotheo scribens: quorum sententiam cum illa Christi verba confirmant, Nemo nouit Patrem nisi filius, tum illud explicat, quod sequitur, Et cui uoluerit filius reuelare. Non itaq; putandum est, negatum vel ab Euangelista, vel ab Apostolo, posse alicui Dei uisionem contingere: sed illud potius sentiendum, vel, ut pleriq; dicunt, comprehensionem intelligendam esse, quibuscumq; in locis Deum ait scriptura videri non posse, vel omnibus id natura viribus negari: quod Dei tamen reuelatione & gratia possit & in hac uita contingere & in altera futurum speremus. alioqui negare simpliciter Dei uisionem homini, est ei, ut ait D. Thomas, beatitudinem negare, & illis Christi uerbis contradicere, quibus Beatos dicit mundos corde, quoniam ipsi Deum uidebunt.

QVI EST IN SINU PATRIS IPSE enarrauit.

Sinum hoc loco uocat, quod Dauid Psal. ij. utrum dixit; utroq; uerò nomine secretum Patris substantia significatur, in qua filium Pater tanquam radicatum, ut ait Cyrillus, atq; ex se germinantem habet. Caterum quod enarrasse filius dicitur, id ad euidentiam, ut ait Chrysostomus, referen-

dum est, quia Trinitatis mysteria, aliaq; Dei sacramenta nobis aperuit.

HELIAS ES TU? ET DIXIT, NON SUM.

Non debet hoc putari illis esse Christi verbis contrarium, quibus Ioës dicitur esse Helias; nam Christus non eum illum Heliam dicit, qui fuit in veteri lege, sed qui illius instar, similiq; spiritu, Christi primum aduentum præcesserit, ut alter ille secundum est aliquando præcessurus. Vnde Luc. 1. & ipse præcedet ante illum in spiritu & virtute Helia. Ioës itaq; hoc loco propriè, ut ait August. Christus verò illic figuratè loquitur; quo modo possumus dicere, Ioannem secundo venturum; Veniet enim Helias in Ioannis spiritu & virtute.

PROPHETA ES TU? ET RESPONDIT NON.

Nec hinc se prophetam negat, aut illis & Patris sui, & Christi testimonijs contradicit, quibus & propheta esse, & plusquam propheta declaratus est; sed qui interrogantium mentem agnosceret, ait se, non qualem illi putarent prophetam esse; nam & supra ad mentem magis eorum, quam verba respondens, se Christum esse negavit. Quanquam si, ut volunt Cyrillus & Origenes, propheta hoc loco ille intelligendus est, de quo à Mose Deut. 18. scriptum est, tum magis apparet, Ioannem nihil à vero alienum dicere.

VOX CLAMANTIS.

Vel hoc loco clamare per Ioëm Christus intelligendus est, vel hebraica phrasi clamantis pro clamans positum est.

DIRIGITE VIAM DOMINI.

Et hinc liberi arbitrij facultatis admonemur. Si enim nõ possumus viam dirigere, cur ad id clamans Ioannes hortatur?
si verò

123
si uerò possumus; quomodo non liberi esse putandi sumus?

EGO BAPTIZO IN AQVA. &c.

Non erat Ioannis baptisimus, qui gratiam daret, sed qui ad Christi, qui solus tollit peccata mundi, gratiā praepareret.

NON SUM DIGNUS SOLVERE
corrigiam. &c.

Non est quòd ex hoc loco quisquam operum, quae iusti faciunt, dignitatem aut meritum negandi occasionem sumat. tantum enim id significatur, nihil fere Ioannem esse, si cum Christo conferatur; tantamq; esse Christi excellentiam, atq; dignitatem, ut cuiusvis excellentia ei comparata nulla esse merito videri possit; cum praesertim, si quid est dignitatis. vel in Ioanne, vel in alijs, id totum ex Christo sit, adeoq; se quisq; merito dicere possit non dignum esse, qui vel calcemamenti Christi corrigiam soluat.

QUI TOLLIT PECCATA MVNDI.

Vel hic locus haereticorum errorem damnat, quo peccata non tolli volunt, sed non imputari à Deo. Si enim peccata post remissionem manent, quomodo ablata sunt? aut si sunt ablata, quare isti tam sunt iniqui in homines, ut eos velint esse perpetuo peccatores? tam porro in Deum iniurijs, ut eam vel non putent auferre à nobis peccata posse; aut, cum possit, nolle existiment?

ET EGO NESCEBAM EVM. &c.

Vel, ut ait Cyrillus, à se nesciuisse ait, sed dei revelatione intellexisse, quis esset Christus; vel, ut putat August. erat quod de Christo nosset, erat etiam quod ignoraret. Potest etiam dici, quod existimat Chrysostomus, id quod Ioannes ait, ad

superiora tempora, & non ea, quæ circa baptismum fuerant, esse referendum; alioqui agnouisse eum Christum ad baptismum accedentem, illud argumentum est, quod dixit, Ego à te debeo baptizari. &c.

QVASI COLVMBAM.

Sive illa fuerit vera columba, ut putat August. siue, ut alij scensent, columba tantum species, non magis existimandum, in unitatem suppositi à Spiritu sancto fuisse assumptam, quàm fuerunt illæ assumptæ, in quibus Dominus olim figuris apparebat.

TV VOCABERIS CEPHAS.

Significat Christus hoc loco, ut ait Cyrillus, se in Petro tanquam in petra suam esse ecclesiam firmissimè edificaturum, quod illic est ei apertè promissum, ubi à Christo dictum est ipsi, Tu es Petrus & super hanc petram edificabo ecclesiam meam; præstitum verò Ioannis ultimo, cum ijs ei verbis ecclesiæ à Christo gubernatio credita est, Pasce oves meas.

FILIVM IOSEPH.

Si putabat Nathanaël Christum conceptum ex Virgine, idcirco dixit, quod Christus vulgo filius Ioseph putaretur, unde & virgo ipsa his est filium aliquando verbis allocuta, Ego, & Pater tuus dolentes quærebamus te; sin verò ignorabat, nihil mirum est, quando & ipsi Apostoli diu cum Christo versati multa ignorabant.

CVM ESSES SVB FICV, VIDI TE.

Qvanquam illa Augustini sententia improbanda non sit, visum esse Nathanaëlem à Christo, cum sub umbra mortis esset; Ficum enim hoc loco peccati esse statum: tamen quod Chrysostomus ait, sub ficu quadam fuisse Nathanaëlem,

TV ES FILIVS DEI.

ET si existimat Diuus Chrysost. confessionem hanc non illi parem fuisse, qua postea Petrus eisdem serè verbis, Matth. 16. Christum confessus est esse filium Dei; tamen quod alij putant, non est improbandum, Nathanaëlem Christi diuinitatem confiteri.

VIDEBITIS COELVM APERTVM.

Non est putandum vel aliquando fuisse apertum Cælum, vel futurum, cum sit incorruptibile; sed apparuisse apertum; nisi quis apertum hoc loco cælum idèd dici velit, quòd in cælum aditum Christus aperuerit.

ANGELOS ASCENDENTES

& descendentes.

Illorum nobis in hunc locum sententia placet, qui quod hic Christus dicit, factum aliquando quidem esse, sed quando factum sit, non esse scriptum affirmant.

IN CAPVT SECVNDVM.

DIE TERTIA.

Non est putandum eodem anno, quo Christus baptizatus est, venisse ad nuptias; minimum enim inter baptismum & nuptias annus integer intercessit, ex quo illud deinde sequitur, si Christus cum baptizaretur, annum egerat trigesium, cum passus est, annos fuisse natum triginta tres, & menses tres.

QVID MIHI ET TIBI EST MVLIER?

Ille nobis huius loci sensus esse videtur, Quid mihi tecum est mulier, cur me huius rei debeas admonere, aut quid necesse est

ut me admoneas, qui sciam, quando hæc facere sit opportunum?
 Quod si cui mirum accidit, Christum, qui matri dixit, suam
 nondum miraculum faciendi horam venisse, quas tamen oratio-
 ne permotum, vinum fecisse ex aqua, cogitandum est, quæ
 non fuerat, autem opportunitas data fuisse matri petente obla-
 tam; neq; enim decebat, quod talis mater supplex peteret, a
 filio denegari. Iam vero quod in matrem videtur diuinus allocu-
 tus, neminem debet mouere, quando ea, quæ dura videtur re-
 sponsio, cum nihil habeat ab eo, qui parentibus debetur bono-
 re alienum; tum nobis maximo est documento, non humano
 affectu, sed diuina præscripto eiusmodi opera esse faciendæ.

HOC FECIT IN ITINERIS SIGNORVM

Iesus &c. *Iesus &c. magis quædam sunt signa, quæ in itinere fecit, quædam in iherosolymis.*

Non ait fuisse id signum primum eorum solū, quæ sunt a Chri-
 sto in Cana facta, sed simpliciter omnium Christi signo-
 rum primum fuisse; perinde enim hoc dictum est, ac si dixis-
 set, Itaq; in Cana factum est a Christo signorum initium. Id
 quod illis, quæ sequuntur, verbis confirmatur, & manifesta-
 uit gloriam suam, & crediderunt in eum discipuli eius.

SOLVITE TEMPLVM HOC.

Non iubet soluere, sed quod sciebat facturos, aperit, idq;
 ad eorum, ut ait Cyrillus, vtilitatem, siquid illi sensus
 habuissent.

ET CREDIDERUNT SCRIPTURÆ

& sermoni &c. *Iesus &c. magis quædam sunt signa, quæ in itinere fecit, quædam in iherosolymis.*

Non ideo post resurrectionem credidisse dicuntur, quod ea
 cum Christus diceret nullo modo crediderint, sed quod re
 postea perfectius intellecta, apertoq; ijs sensu, ut intelligerent
 scripturas, Christi verbis perfectiorem fidem habuerint.

IN CAPITO TERTIO. 125
NISI QVIS RENATUS FUERIT DENO. &c.

Sine baptisni lauro, & hic infra Christi affirmat, ne
Smini posse salutem contingere, sed id non modo cum re susci-
pitur, sed & voto susceptum salutem afferre, & sancti Pat-
rum sententijs, & Conciliorum etiam decretis confirmatum est.

NISI QVIS RENATUS FUERIT
ex figura &c. & posito, & no. in & p.

Vel ex hoc loco potest illorum sententia confirmari, qui sa-
cramenta, Dei instrumenta ita dicunt, ut in ys efficiendi gra-
tiam virtutem agnoscant. Certe Cyrillus ita ait, ut ignis viri-
bus intensis calefacta aqua, non aliter, quam ignis, per se ita spi-
ritus sancti operatione ad diuinam aquam reformantur per virtutem
qua baptizati corpus absterguunt. Et Chrysost. Ex quo, inquit,
Iordanem ingressus est Christus spirituales animas aqua producit.

SPIRITUS VBI VULT SPIRAT.

Spiritus non in hac loco venientem intelligi grauius aug-
res afferunt, ut scius sit, non esse mirum, spirituales res
non facile a nobis percipi posse, quando ea, qua ante nos sunt,
adeo sunt aliquando eorum difficultia, ut ne veni quidem ini-
rium, cum fiat, aut exitum possis agnoscere. quanquam quod
ali sentiant, de spiritu sancto sermonem fieri, probari etiam
potest, eoq; magis, quod viro cumq; modo accipiat, eodem
res recidit, significatur, ea, de quibus Christus docere cepit,
eiusmodi esse, ut sine Dei spiritu intelligi perfecte non possint.

SI TERRENA DIXI VOBIS. &c.

Illorum nobis hoc loco sententia placet, qui hoc ita accipiunt,
quasi a Christo dictum sit, Qui nabi de his differenti que

et si diuina sunt, in terra tamen ac in terrenis hominibus peraguntur, fidem non habetis, quomodo, si de cœlestibus rebus atq; à mundo hoc omninò separatis differuero, fidem habebitis?

NEMO ASCENDIT IN CŒLVM. &c.

Hoc planè loco intelligi datur, primùm neminem, qui Christi membrum non sit, in cœlum posse ascendere: deinde vnā & eandem personam, quod suprà diximus, Deum esse & hominem: postremò Christum cùm hæc diceret, in cœlo, id est Dei visione, adeoq; beatum fuisse.

QVOD VIDIT, ET AUDIUIT. &c.

Illud his verbis more scripturæ significatur, non ignota sibi, sed perspecta, atq; explorata filium Dei loqui: Ea enim loquitur, quæ à Patre didicit, id est quorum, cùm gigneretur, cognitionem accepit: accepit verò eandem, quam Pater habet virtutem, ut suprà diximus, & sapientiam.

IN CAPVT QVARTVM.

QVAMQVAM IESVS NON BAPTIZARET,
sed Discipuli eius.

Alios quidem non à Christo, sed à Discipulis fuisse baptizatos Ioannes indicat, at discipulos, per quos alios esset baptizaturus, Christum baptizasse, autor est Augustinus. Ceterum baptismum à discipulis Christi datum, ante eius passionem sanctificandi virtutem habuisse, etsi sunt qui negent, nobis tamen Augustini contraria sententia magis probatur.

QVI BIBERIT EX AQVA, QVAM EGO
dabo ei, non sitiet.

Non est quòd ex hoc loco quisquam colligat, gratiam semel acceptam non posse amitti, tantum n. hic dicitur,

126
Dei gratia expleri hominum appetitum; quod etsi aliqua ex parte contingit in hac vita, in beata tamen plena est futura satisfactio. Vnde à Davide illud dictum est, Satiabor cum apparuerit gloria tua; & illud, Replebimur in bonis domus tua.

VERI ADORATORES ADORABUNT
Patrem in spiritu, & veritate.

Nihil hoc hæreticos adiuvat, qui sacras ecclesiæ ceremonias contemnunt, quin eorum potius errorem atq; impietatem arguit, quando ea est maxime vera & spiritualis adoratio, quæ ijs, quos Deus per ecclesiam instituit, ritibus fit: Quod si externus Dei cultus negligendus videtur, fas etiam erit negligere ecclesiæ sacramenta.

IN SPIRITU ET VERITATE.

In spiritu adoratio ea dicitur, quæ charitate fit, seu renouato spiritu mentis nostræ; in veritate autem, quæ non iudaico more in figuris & umbris, sed contrito corde, et humiliato, atq; ad deum conuerso: cui illud expositioni fauet, quod supra dictum est, Gratia & veritas per Iesum Christum facta est. quanquam si quis spiritum carnalibus Iudeorum ceremonijs, figuris autem veritatem, aut spiritum figuris, veritatem autem gentium mendacijs opponendam putet, non est improbanda sententia.

IN CAPVT QVINTVM.

PATER MEVS VSQVE MODO OPERATUR,
& ego operor.

Quanquàm filius eadem cum Patre operatione in creaturis operatur, quò illud videtur spectare, Quacumq; Pater facit, hæc & filius similiter facit; tamen à Patre habet & quod est, vt supra diximus, & quò operatur: quò illud pertinere videri potest, & quò hic prius paterna, quàm sua

operationis meminit, & quod infra dicitur, Non potest filius
a se facere quicquam &c.

OMNIA DEMONSTRAT EI, QUAE
ipse facit.

Pater demonstrando, ut ait August. filium gignit, nec
aliud est filio, videre Patrem, quam esse Filium; videndo
enim natus est, & nascendo videt, dixitq; Pater in filio, quae
esset facturum per filium; & cum dixit, filium genuit, per
quem esset omnia facturum.

NEC ENIM PATER IUDICAT
quicquam &c.

Iudicat quidem Pater, sed non solus iudicat. Nam & filio,
quam habet, iudicandi potestatem gignendo dedit. Quannus
etiam filio iudicium, tum datum esse intelligi potest, cum fa-
ctus est homo. Nec enim, ut homo est, iudicandi ante potestatem
habuit, quam homo esset. Accepit ergo iudicium, quod ab aeter-
no habebat ut Deus est, quando homo ex tempore factus est,
atq; id in manifesto, ut ait Augustinus, solus ipse exercebit.

SI EGO TESTIMONIUM PERHIBEO DE
me ipso, testimonium meum non est verum.

Vel ille huius loci sensus est, scio vos dicturos, si ego testi-
monium perhibeo de me ipso, testimonium meum non esse
verum; vel, quod eodem recidit, scio vobis verum non esse, quod
ego de me testimonium perhibeam. Potest & illud dici, si ego
a me ipso testimonium de me fero, nolite credere.

EGO AB HOMINE TESTIMONIUM
non accipio.

Accipit quidem ab hominibus Christus testimonium, sed nec
ab hominibus solum, nec necessarios verum hominum cau-
sa.

127
sa. Potest & illud dici, non accipere Christum ab homine testimonium, ut hominis est, sed ut Dei est.

NEC VOCEM EIVS VNQVAM AUDISTIS.

DEi quidem vox erat, cum Deus in deserto per Angelum loqueretur, Sed ideo Dei fuisse negatur, vel quod isti non, ut par erat, de Dei natura, & loquendi modo sentirent, vel quod eam, si quam Dei vocem audierant, non intellexerant.

IN CAPVT SEXTVM.

DISTRIBVIT DISCVMBENTIBVS.

CONstat quidem diuina virtute fuisse panes illos multiplicatos, sed qua ratione multiplicati sint, non est perinde certum; verisimile est addita materia fuisse ex paucis panibus plurimos effectos.

VOLVERVNT EVM ACCIPERE IN NAVIM

NON negat ingressum esse Christum in nauim, sed voluntatis discipulorum tantum meminit; nam quod ingressus sit, Matthæus narrat.

HVNC ENIM PATER SIGNAVIT DEVS.

SIGNASSE dicitur Pater filium, vel quia ei totam suam substantiam dedit; est. n. filius Patris, ut ait Paulus, character, & in eadem, ut ait Cyrillus, cum Patre forma deitatis, quæ quia humanitati veluti impressa est, hac etiam causa signatus videri possit. Adde, quod est et præ cæteris consortibus, ut est in Psal. a Patre vinctus, et quis esset, Patris testimonio declaratus.

DESCENDI DE COELO, NON VT FACIAM
voluntatem meam. &c.

D

Voluntatem suam Christus dicit, qua pati nolebat, unde illa etiam eius vox ad Patrem, Veruntamen non quod ego volo, sed quod tu. Habebat enim tanquam hominem naturalem appetitum, quo pati recusabat. Potest etiam dici, quia Christi voluntas à Patris voluntate nunquam discrepauit, non tam suam illum, quam Patris voluntatem facturum venisse.

NEMO POTEST VENIRE AD ME, NISI
Pater, qui misit me, traxerit illum.

Non negat Christus hunc liberum arbitrium, sed huic ostendit, ut ait Chrysost. diuino esse opus auxilio, etsi enim nemo venit nisi tractus, nemo tamen inuitus, nemoq; nisi liberè trahitur.

ERVNT OMNES DOCIBILES DEI.

Vel omnes dixit, qui volunt, vel omnes pro pluribus positum est; nisi quis malit hoc ita dictum esse, ut illud dictum est, Et benedicentur in ipso omnes tribus terra; & eiusmodi pleraq; alia in scriptura.

PANIS, QUEM EGO DABO, CARO
mea est. &c.

Aptè Christus affirmat carnem se nobis suam in cibum daturum, id verò præstitum ab ipso esse in Eucharistia sacramento, tam multis est & Dei, & sanctorum testimonijs confirmatum, ut nemo id sine crimine hæresis possit negare.

NISI MANDUCAVERITIS CARNEM
filij hominis. &c.

Necessarium esse ad salutem, Christi carnem manducare ex hoc loco planè habetur; non esse autem necessarium omnibus sanguinis etiam speciem in sacramento sumere, vel

ex illo potest intelligi, quod Christus proximè dixit, Si quis manducauerit ex hoc pane, viuet in aeternum; & infra, Qui manducat hunc panem, viuet in aeternum.

128

CARO NON PRODEST QUICQUAM.

Non negat prodesse carnem suam, quam paulò antè dixit & dandam pro mundi vita, & vitam se manducanti præstare; sed illum istorum carnalem sensum reprobat, qui eis non modò pro futuris non erat, sed magno etiam ad salutem impedimento futurus. Quanquam etiam illud dici in hunc locum potest, carnem Christi, quòd profit, non ex se, sed ex spiritu, seu deitate habere: Cui laus est, & gloria per infinita secula seculorum. Amen.



...in ...
...
...

...
...

...
...
...



...
...
...

BIBLIOTECA NAZ.
ROMA
PIRELLA GÖTTSCHE LOWE

FINE

...
...
...







